



Br: 02-02-1-1251-2/24

Sarajevo, 5.12.2024.

N/r direktora

PREDMET: *Poziv bh. kompanijama za učešće na Međunarodnom sajmu namještaja i drugih proizvoda za djecu KIND + JUGEND 2025, Keln, Njemačka, 9-11. septembar 2025.*

Poštovani,

Vanjskotrgovinska/ Spoljnotrgovinska komora Bosne i Hercegovine organizira **drugi grupni nastup bh. firmi na vodećem Međunarodnom sajmu namještaja i drugih proizvoda za djecu KIND + JUGEND 2025**, koji će se održati u **Kelnu (SR Njemačka)**, u periodu od **9-11. septembra 2025. godine**.

Na ranijem Kind + Jugend 2024 učestvovalo je 912 kompanija iz 43 zemlje - 88 izlagača iz Njemačke i 824 izlagača iz inozemstva. Sajam je posjetilo oko 15.000 posjetilaca iz 115 zemalja, od kojih preko 90% ima leaderske pozicije i uključeni su u odluke o nabavi od dobavljača. Više informacija o sajmu možete pronaći na linku <https://www.kindundjugend.de/>.

Ciljne grupe izlagača na štandu Bosne i Hercegovine su proizvođači i izvoznici sljedećih proizvoda za bebe i djecu:

- namještaja,
- tekstilnih proizvoda (posteljine i sl.) i odjeće,
- igračaka, te asesoara za djecu i dječije sobe.

VTKBiH je rezervirala prostor za štand Bosne i Hercegovine od **100 m2** i na njemu će izlagati **5-6 firmi** koje ispune zahtjeve za učešće bh. kompanija navedene u pozivu i budu odabrane kroz proces selekcije, i to:

- 2-3 izlagača iz sektora namještaja za bebe i djecu („nosioci štanda“) koji mogu aplicirati za pojedinačnu kvadraturu od **minimalno 20 m2 do maksimalno 40 m2**,
- 2-3 izlagača kućnog tekstila, odjeće, igračaka i asesoara za bebe i djecu, koji mogu aplicirati za pojedinačnu kvadraturu od **minimalno 10 m2 do maksimalno 20 m2**.

Uz prostor namijenjen za predstavljanje bh. izlagača, štand BiH uključuje i prostor za zajedničke potrebe izlagača i organizatora (info-pult, ostava).

Troškovi koje snose bh. firme:

- **Učešće u troškovima** zakupa neuređenog prostora u **iznosu kotizacije od 180 EUR po m2 + PDV (17%)**.
- **Troškovi putovanja i hotelskog smještaja** za svoje predstavnike;
- **Troškovi transporta i špedicije svojih eksponata** do Kelna i nazad.



Troškovi koje snosi Vanjskotrgovinska komora BiH su:

- Dio troškova **zakupa prostora;**
- **Ukupni troškovi uređenja štanda BiH (dizajn, izgradnja, transport i montaža štanda);**
- **Obavezni unos u katalog izlagača Koelnmesse za sve izlagače bh. štanda (1.295 Eura po kompaniji);**
- **Logistika na štandu (struja, čišćenje, osvježenje – voda, kafa, sokovi..);**
- Troškovi **pripremnih i marketing aktivnosti.**

Selekcija učesnika

Zainteresirane kompanije trebaju do naznačenog roka dostaviti popunjenu Prijavu učešća i potpisan Sporazum o uvjetima izlaganja na štandu BiH. Nakon pregleda pristiglih prijava, predstavnici VTK/STK BiH će izvršiti pred-selekciju te posjetiti odabrane kompanije. Pred-selekcija će se izvršiti prema **sljedećim kriterijima:**

- Firma **odgovara profilu ciljnih izlagača štanda BiH i izlaže proizvode proizvedene u Bosni i Hercegovini;**
- Firma ima iskustvo u izvoznim poslovima;
- Firma je strateški opredijeljena za izvoz na tržište EU, ima adekvatne proizvode koji zadovoljavaju zahtjeve tržišta EU kojima se dokazuje sljedivost, sigurnost i kvalitet;
- Firma je aktivni član VTK/STKBiH (redovno izmiruje obaveze plaćanja članarine u skladu sa članom 22. i 23. Zakona o VTK/STK BiH „Službeni glasnik BiH“, broj: 30/01 i 72/13) – eliminatoran kriterij;
- Firma će osigurati prisustvo najmanje jednog predstavnika koji aktivno komunicira na engleskom i/ ili njemačkom jeziku cijelo vrijeme trajanja sajma, što uključuje i pripremni period;
- Prednost imaju firme koje posvećuju posebnu pažnju dizajnu proizvoda i poštuju međunarodna pravila intelektualnog vlasništva;
- Prednost imaju firme sa većinskim domaćim kapitalom.

Prijavu učešća, kao i potpisan Sporazum o uvjetima izlaganja na štandu BiH, molimo dostavite u elektronskoj formi (skenirane) na e-mail adresu lejla.mededovic@komorabih.ba. Trgovačke firme (agenti) trebaju dostaviti i popunjeno Ovlaštenje o izvoznoj prodaji.

Original Prijave i 4 primjerka potpisanog Sporazuma potrebno je također dostaviti na adresu:

Vanjskotrgovinska komora BiH, Branislava Đurđeva 10, 71000 Sarajevo, sa naznakom: **PRIJAVA ZA SAJAM KIND + JUGEND 2025.**

Rok za prijavu je 24.12.2024. godine. Kontakt osoba za dodatna pitanja: g-đa Lejla Međedović (033 566 231).

S poštovanjem,



Prilozi: 1. Prijavni obrazac

2. Sporazum o uvjetima učešća na štandu BiH

3. Ovlaštenje za izvoznu prodaju (samo za trgovačke firme)